

se acriter praeliari: in quo dictus D. Hector per D. Sperantium fuit vulneratus; & Hermolianus & Dionysius interfecti. Dominus Patriarcha, existens Civitate, statim cum sibi prædicta notificata sunt, cum festinatione equitavit Utinum cum Civitaten-sibus. Qui Civitaten-ses una cum Utinensibus adie-runt ad domos prædictorum, D. Sperantii, & Vin-tilini; & eas ceperunt. Et ipsos fratres, & filium D. Thomasi, & alios quamplures, circa XXVI. interfecerunt, & eorum bona abstulerunt. Ita quod pars D. Hectoris obtinuit cum adiutorio Civita-tensium.

Anno Domini M. CCC. XXIII. D. Henricus Co-mes Goriciæ in Festo S. Georgii, hora vespertina tripudii venit ei quædam infirmitas, de qua statim ex improvise mortuus est in Tervisio: & ibi hono-rifice sepultus.

Anno Domini M. CCC. XXIV. venerunt in Fo-rumjulii Magnifici Domini Duces Austriæ, & Ca-rinthiæ cum maxima hominum comitiva, facientes maximum damnum in Forojulii.

Anno Domini M. CCC. XVII. Indictione X. in Festo Nativitatis Virginis Mariæ, in nocte circa mediam noctem, fuit subito tanta aquarum inun-dantia, quod Natissa in tantum crevit, quod ivit per totum burghum portæ Bressanæ usque ad por-tam Civitatis, & plures domos destruxit: & in-travit aqua per cancellos Ecclesiæ S. Petri in dicto burgo, & sic....

Anno Domini M. CCC. XXXI. Indictione XIV. die XV. intrante Septembri, Domini Progna de Zuccula, & Petrus ejus frater, una cum D. Johan-ne de Villalta, & alia non parva comitiva, fur-tim circa horam matutinam Dominorum Majoris Ecclesiæ Civitatis per portam leproforum apposue-runt scalas ad murum burgi Pontis: & ii, qui primo intraverunt burgum, fregerunt portas, & residui intraverunt.

In Libretto D. Johannis Jacobi de Venustis. (a)

M. CCC. XLV. Plures de Utino contra Sarafinos de mandato Domini Papæ absoluti a peccatis.

M. CCC. XLIII. (b) Combustio Canipæ Capitu-li Civitatis, & multarum domorum.

M. CCC. XLIV. Dominus Patriarcha misit gen-tem suam sub Pinzanum. De Colacio, & Refe-ctorio Capituli in Civitate. Eodem anno deditio Pinzani.

M. CCC. XLIV. de Tractamento ad accipien-dam Civitatem.

M. CCC. XLV. Dominus Patriarcha ivit Man-zanum ad loquendum Comiti.

M. CCC. XLVIII. die XXV. Januarii, circa ho-ram vespertinam, fuit terræmotus magnus, qualis non fertur in aliquibus Scriptis. Eodem quoque an-no jam incepta pestilentia.

Anno Domini M. CCC. LXIV. Indictione II. die XXII. Septembris, D. Franciscus de Urausper-go, ac de Villalta, amissa Villaltæ parte circa an-num Domini M. CCC. LIII. tempore Patriarchæ Nicolai, sese subdividisset Dominio Ducis Austriæ; paucorum annorum facto intervallo, universæ car-nis debitum solvit. Cujus filii Johannes, Thul-bertus, & Matthius, patrizantes, cum homi-nibus Civitatis guerram habentes, accipientes de montibus equos....

M. CCC. LXIV. Indictione II. Egregius Princeps D. Ludovicus de la Turre fecit ruinari funditus Ca-strum Zucculæ Dominorum de Spelimbergo.

Tom. II.

(a) Sic in Codice.

(b) Sic in Codice.

Hucusque Passerinus, (c) seu quisquis fuit alius. Descript. per me Antonium Bellonum Notarium.

IX.

Epitome superioris Chronici, quæ in Archivo Capituli Forojuliensis adservatur in calce vetustissimi Ne-crologii.

Gregorius Patriarcha Aquilegiensis, qui fuit de Monte-longo, venit Aquilegiam die XIII. Ja-nuarii sub anno Domini M. CC. LII.

Ezelinus de Romanis captus fuit die quarto exe-unte Septembri: qui comedere nolens septem die-bus, in octavo mortuus fuit anno Domini M. CC. LIX.

Anno Domini M. CC. LX. (d) in Festo S. An-dreæ, venit primo D. Asquinus Decanus Aquile-giensis cum penitentibus nudis se verberantibus Civitatem: & statim se Civitaten-ses cœperunt etiam verberare; ita quod infra octo dies fuerunt de Civitaten-sibus se verberantes circa LX. & per totum Forumjulii in Civitatibus, Castris, & vil-lis idem factum est. Et ipso anno omnes discordiæ sedatæ fuerunt.

Anno Domini M. CC. LXVI. die tertio exeunte Februario, Rex Carolus devicit & interfecit Man-fredum, Principem Apuliæ, in Apulia; ubi fuit maxima hominum strages.

Anno Domini M. CC. LVII. (e) impositus fuit primus lapis Cellarum apud Civitatem Austriam per Venerabiles Patres, Albertum Concordiensem, & Penetensem Episcopos die tertio Aprilis.

Anno Domini M. CC. LXVII. die XII. exeunte Julio, captus fuit Ven. Pater Gregorius, Patriar-cha Aquilegiensis, per D. Albertum Comitem Go-riciæ apud Villam-novam sub Rosacio in Aurora diei, dum erat in lecto: & nudipes ductus fuit Goriciam in uno Roncino; nullo alio capto præ-ter Johannem Lucensem, & paucis aliis vulneratis.

Tunc subsequenti die IV. intrante Augusto, in-stituti fuerunt Capitanei in Forojulii D. Alber-tus Vicedominus Episcopus Concordiensis, & D. Asquinus de Varmo.

Eodem anno, die V. exeunte Augusto, Grego-rius Patriarcha Aquilegiensis exivit captivitatem D. Alberti Comitis Goriciæ: & conductus fuit Ci-vitatem per Ven. Patrem D. Wotislaudum Archie-piscopum Salzburgensem.

Anno Domini M. CC. LXVIII. die tertio intran-te Julio, apud Montem Medeam interfectus fuit Ven. Pater D. Albertus Episcopus Concordiensis, & quidam alii cum eo, per insidias ei interpositas per fautores Comitis Goriciæ.

Eodem anno, die V. exeunte Julio, exivit D. Gregorius Patriarcha Utino cum suo exercitu con-tra dictum Comitem: & tunc die XII. Augusti disruptus & destructus fuit pons Soncii apud Go-riciam.

Item ipso anno die XXII. Augusti devicit Rex Karolus Coradinum, qui volebat Regnum Apuliæ.

Anno Domini M. CC. LXIX. die octavo intran-te Septembri, in Civitate Austria, Gregorius Pa-triarcha Aquilegiensis obiit in Domino: qui ex-titit Patriarcha annis XVII. Menses X. & diebus XVI. Et juxta corpus S. Paulini sepultus est. (f)

Item ipso anno die XIV. Septembris, Magnifi-cus vir D. Woldoricus Dux Karinthiæ electus fuit

(c) Chronicon conscripsit Julianus Canonicus Civitaten-sis: manumque suam admovit Joannes frater.

(d) Hæc in superiore chronico ad ann. M. CC. XC. referuntur.

(e) Sic in Codice. Sed annus 1267. notatur in eodem supe-riore chronico.

(f) Postrema hæc verba recentiore manu scripta sunt.

= C. 143/

1.37

de adventu patriarche Gregorii

de morte beati t = te

de penitentibus nudis se verberantibus

de morte regis Manfredi

de impositione primi lapidis domus cellarum

quarto captus fuit patriarcha Gregorius

dominorum

de redimione patriarche Gregorii

no 10 iun

de interfectione domini Alberti episcopi Concordiensis

imp

de destructione portis Soncii

de consuetudine Soncii

de obitu domini Gregorii Patriarche

de electione ducis Karinthiæ de Cap-tenum

1267